

323 recto, l. 39

Anemone dicta, quod flos nunquam se aperiret nisi uento flante intra florem caput habet papaueris cum sint duae species utraeque sunt acutae et abstergendi sunt potestatis, inde radix discissa pituitam prouocant et succus nares purgant, et in oculis cicatrices attenuant et putredines hulcerum purgant ambae anemoneae, lepras arcent, appositae menstrua prouocant, lacque eliciunt cum uino potae, lateris dolores incipientes absterge[n]t.

323 recto, l. 43

Anethum calefacit tantum, ut secundi sit oridinis absoluti, aut primi largi. Arefacientium autem secundi ordinis incipientis, uel primi finiti. Decoctum autem ex oleo distrahendi, et dolores amouendi . somnum excitandi uim habet, crudaque concoquit, tumoresque sedat. In tertio autem ordine est inter calefacientia, et arefacientia et ob hoc contractis concretisque hulceribus impositum prodest, praesertim in pudibudis, et quae exhulcerata, cicatricosaque in genitalibus et uesicae loco. Humidius autem et minus calidum uiride quod adhuc in succo, et perinde purgat magis, quam aridum, magisque somnum excitat distrahendi uim minorem habet.

323 recto, l. 50

Anthemis, ut alii antemis, uel chamaemelum. Calefacit et arefacit in primo ordine, tenuiumque partium est et perinde uim distrahendi, et rarefaciendi, et deprimendi summittendi habet. Si igitur uiridis fuerit, expedit ex oleo coquere in quo flos sub sole detentus . sin arida pauco aspergatur aceto, inde cocta cum oleo efficitur commodo, ubi necdum materia perfecte pacata est, quae ad caput euolebatur . distrahit namque quae in capite, aliamque non attrahit, quod nullum aliud facit medicamen. Necepsos autem aegyptius iubet florem purum ipsius chamamoeli pubescentem colligere, terereque in mortario beneque subigi in fidelia, conficique pastillos mediocres, et in umbra areferi et reponi . cum eorum usus aduenerit pastillum sumi unum immittique in oleum primum, quantum satis sit, quod expressum primo fuerit . inde inungi corpus a capite ad imos pedes totum febricitantium, inde tegi aegrum, et foueri . tum ait excitari sudorem salubrem, ac febre liberari foreque ob hoc idoneum peregrantibus remedium, quia facile quiuis secum habere potest et absque impendio sibi cauere idque experientia plurium alii quoque eruum esse attestantur maximeque congruere meatibus aperiendis. Iubet quoque is pastillos in aqua calida dilutos potare febre correptos drachmae quantitate.

323 verso, l. 9

Anisum, cuius semen praecipuam habet utilitatem acutum et subamarum est, ut proxime accedat caliditate ad ea, quae urunt est namque ad calefaciendum ac exiccandum tertii ordinis, et perinde urinam cit, uimque habet distrahendi uentososque humores in aluo sistit.

323 verso, l. 12

Apius, idest pirus domestica huius folia et ramuli austeri. Fructus autem nonnihil aquosae dulcedinis, ex quibus manifestum temperamentum, quod sane inaequale suis partibus, ob hoc mansa quidem conferunt stomacho, et sitim sedant. Imposita uero arefaciunt, et mediocriter refrigera[n]t ait Aetius se eis uulnera glutinasse.

323 verso, l. 15

Aparine, ut alii philanthropon, ut alii omphacorpon . nascitur in hortis passim asperitate uestium tenaci, ramosa hirsuta uulgus lapa[n] uocat mediocriter absterget, et arefacit . habet autem aliquid partium tenuium.